



## **Nund Reshi's Shrukhs**

*Compiled and re-written in Standardised Devanagari-Kashmiri by M.K. Raina, Mumbai*



***M.K.Raina***

१

अख नय मरि अख नय ज़ेये  
तंग गछि आलम वचि मो रेये ।  
अख नय गछि तु अख नय यिये  
चरख गछि बंद तु कुस क्या खेये ॥

★ ★ ★

२

अथु ज़ु टुविथ ख्वर ज़ु वहॉरिथ  
निनम दुनियिहुच लोलॅर त्रॉविथ कथ ।  
गरय निनम गीहबार त्रॉविथ  
यिनम अंद मज़ार सॉविथ कथ ॥  
नुंघन हूरु थवन वलुलॉविथ  
डुठ्यन दोज़खुन नार तॉविथ कथ ॥ ॥

★ ★ ★

३

अथु खोर छजाम, अथि कूँछ लोगुम  
छ्वनि कथु करान गोस शर्मसार ।  
न काँसि दिचाम, न काँसि ज़ोगुम  
समसार ज़ोनुम मे शून्यकार ॥

★ ★ ★

४

अंदर नय अँच्य़ि तवय मारन  
कामगारन दीदार दिये ।  
आशक डींठिम योरय लारन  
माशोक दपान यार कर यिये ॥

★ ★ ★

५

अँदरु यस खबर वॉचुय रुहस  
तस दोज़खु तलु कौसुख थरुय ।  
येम्यु डंडु कुंडु बँछी नैदरि तु मुहस  
सुय बंद च़ाव सुहस हँरुय ॥

★ ★ ★

६

अनहारस नैदरु पेयम यामथ दूह गोम  
कारस दूह ग्रंज़ च़ाम नु अख ।  
आदनुक क्रय तु कारन वेह गोम  
तथ पंथानस हेच़ुम नु सख ॥  
तेलि प्योस फिकरि येलि व्वथुन कोह गोम  
ताम आम यार तु रूज़ नु हख ।  
च़्युनुम न जि याम मंद्युन दूह गोम  
च़्युनुम नु केंच़ तु लँजुम हख ॥  
यावुन म्योन, सु ति कोर सनु गोम  
?????? ॥

वनुन व्योपुम नु पनुन राह गोम  
सियाह गोम कलम लीखिथ कथ ।  
ज़ानु कस वँनिथ यीरुवुन तोह गोम  
दुनियुहुक मुह गोम च़ँलिथ कथ ॥

★ ★ ★

७

अवल अँलिफ कुनुय अल्लाह  
अवलु पतु आँखुर ज़ु वालन तस ।  
बे गौव मुहम्मद रसूल अल्लाह  
कयामुच़ शफ़ात करि उम्मतस ॥

★ ★ ★

८

अवल रॉच्चय ख्यावी चावी  
माँज़ि रॉच्चय गिंवी स्वख ।  
शिव रॉच्चय दोप दोप क्रावी  
ऑखुर रॉच्चय ब्रावी दूख ॥

★ ★ ★

९

अवलि सवलि यडा बरे  
ऑक्यसुय पोस्तस अंदर वुमुर बरे ।  
घन दूह सुर लादि प्यठ गुज़रे  
तोत कोत नुंदु संज़मान करे ॥

★ ★ ★

१०

अल्लाह परनस दौरा फिर्यजे  
ज़गतुच लादन सॅर्यज़ि नु ज़ांह ।  
यादस तिहिंदिस दूह घन बॅर्यजे  
ज़िंदय ऑसिथ मॅर्यज़ि नु ज़ांह ॥

★ ★ ★

११

अवल सुय ऑखुर सुय  
नदुबल वॅसिथ मल कौसिव ।  
दस गुल्य् गौंडिथ तस कुन ऑसिव  
घव कुनि दोज़खुनि नारु लॅसिव ॥

★ ★ ★

१२

अँग्न गगन ब्रमावी  
जुय दूदुचि दारु आसन ।  
जुय ऑलिम बसावी  
जुय नबस तारु आसन ।।

★ ★ ★

१३

अँछन वुनज कनन ज़र गोम  
जुबॉन्य वर गोम दपस क्यॉत्य ।  
दारु सरायि दूदुर कर गोम  
हायुक दर गोम लदस क्यॉत्य ।।  
दँह्यलिस पानस चमरुव पर गोम  
लायल हर गोम पकस सॉत्य ।।।

★ ★ ★

१४

अँलिम छुय सौदूकस स्वन ज़न बरुन  
सिवस सोदा पकुन पव  
सोदामुच छुय पोज अज़मावुन  
ईमान च्रोंग छुय रछुन वाव  
नमाज़ छय ज़मीनि फल ज़न ववुन  
अदब छुय नुंद पपी तव  
दिल छुय गाड ? मो त्रावुन  
जिकरि हुंद पोन्य दिस लसी तव  
नफस छुय लाल अथु मो त्रावुन  
साह्यब छु माशोक तोशी तव

★ ★ ★

१५

अँललड डरलथ ऑनूख अँसुड गँड वुठुड  
तलड वुठुड गवगल डुठुड गँड ।  
डलड डलतड ह्यथ अंदवन डीठी  
तलड तल अँसलथ डुठुड गँड ॥

★ ★ ★

१ॡ

अँललडुक असगुर वँललडुक डलने  
कुरडल हुंद आगुर डेनीखन ।  
शुनुडहुक आगुर डलनड ऑलने  
सुुदरुक आगुर लडस नु छुडन ॥

★ ★ ★

१ॢ

अँललडुक डुर लुुदहख खरन  
करन गवनाह डंदगी सलहलडसुड ।  
हसुद नडलकु डुरकथ डरन  
तलड हवलु वँरलख शेतलनसुड ॥

★ ★ ★

१ॣ

अंदु कड वुछन डंदु कड आसन  
कडलडुऑ अहवल हड कडल आसे ।  
तलरु कड तरन नलरु कड लसन  
रहडतु डँरुडतुडन ह्यडथल आसे ॥  
दुऑखुन डडल छु आडन तु खलसन  
कडलडुऑ तलडथ सुड हुु आसे ॥ ॥

★ ★ ★

१९

अंदवन नीरिथ तप चरहाव  
ओहर करहाव व्वपल हाकस तु हंदे ।  
आमच्चे च्ख योद पथ करहाव  
ती योद करहाव मरहाव कंदे ॥

★ ★ ★

२०

अंदवन नीरिथ तफ च्चरुहा  
ओहर करु हा हाकस तु हंदे ।  
आमच्चे च्ख युद पथु करुहा  
ती योद करु मरुहा कंदे ॥

★ ★ ★

२१

अँदरु क्रूद त्रावख नतु  
नेबरु क्रूल कंदे ।  
अंतु मल कासख नतु  
छोन्य व्वथु बेठ कंदे ॥

★ ★ ★

२२

अँलिम परन तु पँरिथ नु पालन  
प्यनख पँह्य लालन गाश कति आसे ।  
मीठि तु मद अन्तु बरन  
परन अमि सुत्य् रजवा आसे ॥  
हचि मंदोरि गच्छि सुत्य् वलन  
स्वंदरन सुत्य् च्च्यथ तिमन आसे ॥ ॥

★ ★ ★



२३

आगुर आसिहेस सास लंजि मरनस  
अद छय जायि जायि तरनस शय ॥

★ ★ ★

२४

आदनु खचास कूरिस तु वीरस  
मँरिथ पीरिस ज़ेव्यम बंगु ।  
यथ क्या करव लूबनिस बीरस  
येति नु बुडिथ रोज़ान जंगु ॥  
तिथु जुव रछामख यिथु त्यूर रँछयज़ि नीरिस  
पतव बुज़नम नारुवि कंगु ॥ ॥

★ ★ ★

२५

आदनु त्यूलुस दौरन तु दारन  
वुम्बुर रॉवुम खारन सुत्यु ।  
वुद क्यथु नु रोज़ास च्वनुवुन्यु प्यारन  
द्यव ल्यखुहनम सितारन सुत्यु ॥  
पुलु सलॉन्न तारु तारन  
व्वमेद छम च्वन यारन सुत्यु ।  
रुत्यन रुत्यन ब्योन ब्योन चारन  
कवु ज़ानु लगु मा ग्वनाहगारन सुत्यु ॥

★ ★ ★

२६

आदनु खूचुख वज़ूहस तु स्रानस  
याम नादानस दॉर गँयी छँचुय ।  
सँन्यु च्यथ द्युतुथ दँसिलस तु छानस  
छुख लदान आसमानस म्यँचुय ॥

डाय गज़ ज़मीन लानि छय पानस  
लज़लो यि लॅर लॅज़थ कथ किच्चय ।।।

★ ★ ★

२७

आदनु यि करख ति अदु नु तगी  
आदनु करख तु लगी सुती ।  
यिम पॅल्स्य ववख छॅत्स्य क्या ज़गी  
तिम तति ऑखुर तस लोनख कुती ।।  
गिहु बल त्रॉविथ दिहु बल लगी  
अदु नुन्द तु डूठ लगी पानस सुती ।।।

★ ★ ★

२८

आयास योत तु गछव कोतू  
ज़ोनुम नु मंज़ु मा दुवोत ब्वे ।  
तस क्या करव अँस्य ललु पोतू  
यस अथि सोन ल्यखुत ब्वे ।।

★ ★ ★

२९

आयि ति बवनय, गछव ति बवनय  
बवनस ख्वतु नु बवनय खास ।  
योद वनि आसन व्यंदख कवु नय  
ख्यनु खोतु छुय आपुरनुय खास ।।

★ ★ ★

३०

ऑर्यफन तु आशकन शूबा लॉजिन  
अँदरुच आवाज़ न्यबर कवु गँय ।  
शरहुकिस सोथिस सीरा वॉजिन  
अदु कौठिस खोरुख खबर गँय ॥

★ ★ ★

३१

आशक तिम यिम पाक रछन बदन  
लाशख हूर वातनख खँज़मँचुय ।  
आह तु व्वशि लेदुर्यख बदन  
द्यव कुनि म्वखु डेशन सूरचुय ॥  
बिहिश्तस ब्रौठ तिमय पान लदन  
यिम येति लोलु तिहँदि वदन यँचुय ॥॥

★ ★ ★

३२

अँशदर वुसनम कुनिस जानस  
मौदु करन वुसखानस मे ।  
हिसाब ह्यनम दानस दानस  
क्या तति पाय हौरानस मे ॥  
अँशदर वसनम कुनिस जानस  
मौदु करन वुसखानस मे ॥॥

★ ★ ★

३३

आसु तु दिवुर छुय जोरमुतुय  
रुशि तु ब्वगज़ु छुय बोरमुत पान ।  
दुहुल्यु बतु छुय होरमुतुय  
कवु ज़ानु अथु कति लगी ईमान ॥

★ ★ ★

३४

आदन सोंथ छुय नेर शिकारस  
वँहरस क्युत बायि आसी रतुय ।  
दूर रोज पनुनिस दर रोजगारस  
ऑखरतस क्युत आसी रतुय ।।

★ ★ ★

३५

आरबलन नागु रादा रूदुख  
सॉदा रूदुख चूरन मंज ।  
मुडु गरन ग्वर पँडिथा रूदुख  
राजु होंजा रूदुख कावन मंज ।।

★ ★ ★

३६

आदम व्वपदोवुन स्वबाव मेचे  
मेचि हुंघ कर गँडिथ कथ ।  
सारि न्यामन्न व्वपदाव्यन मेचे  
रनान मेचिव्यन बानन क्यथ ।।  
जुव चलि नीरिथ मोर म्वचि मेचे  
मेचे मेच गछि मीलिथ कथ ।।।

★ ★ ★

३७

आदनु वँरिथ पापन कशी  
बुडिथ द्युतुथ रीशी नाव ।  
तस्बीह गँयी गुनस हिशी  
यि चॉन्य नमाज कशी हाव ।।

★ ★ ★

३८

आयास वते गॅयास वते  
स्यमंज स्वथे लॅजिम राथ ।  
वुछुम चंदस हार नु अथे  
नावि तारस दिमस क्यात ॥

★ ★ ★

३९

आशकन त्रेश तु ब्वछि नु आसे  
आशक कमस पथ यिनय नु ज्ञात ।  
छु दुरस वतन सदफस निशे  
चूरस नैदरि आसि नु ज्ञात ॥

★ ★ ★

४०

आस ति स्योदुय, गछु ति स्योदुय  
सेदिस होल मे कर्यम क्यात ।  
बु तस गॅयास तती व्योदुय  
वुदिस तु विदस कर्यम क्यात ॥

★ ★ ★

४१

ओरतुय बुकुर करान कृहनू  
ओरतुय बिहान बरतल ।  
ओरतुय व्वपर गछान पनुनू  
ओरतुय स्वनस करान सरतल ॥

★ ★ ★

४२

कॅशीरि फ्यूरुस अँदी अँदी  
काँसि नु वुच्चरम बर आँदी त्राव ।  
जंदस येलि कॅरुम पैवँदी  
अदु दोपुहम फंदुय हाव ।।  
छन्यर प्यवान बॅड शरमँदी  
नन्यर गछान अँदी हाव ।  
यामथन वातान बार तहँदी  
तामथन गछान बर आँदी वाव ।।

★ ★ ★

४३

क्वंग छुय गासु ज़मीन सोना  
स्वर्ग हय गछी तु क्रय कर ।  
स्वर्गस बर प्यठ दरख्त तूबा  
सु हबा स्वरगुक गाशर ।।

★ ★ ★

४४

क्या करि अँन्य सतु गज़ि पूचे  
क्या करि नस्ति रछे र्वंग ।  
क्या करि गॉन्य तस्बीहि रुचे  
क्या करि थविमुचे प्रंग ।।

★ ★ ★

४५

क्या करु पांचन शन मंज़ काहन  
सु पानु काहन दिथुय द्राव ।  
योदवय अके वते पक़हन  
अदु कति राविहे काहन गाव ।।

★ ★ ★

४६

करतो क्रय तु बेहतो पैजे  
मुरखो बोऒतो रंजिविथ ।  
आशको पुल तु पाँतव गंजे  
यावुन मुडस च़ोल रिंऒविथ ।।

★ ★ ★

४७

वँह्य वँर्यऒि र्वपस तु स्वनस  
तवु ख्वतु अनाऒकिस मनस पाँर्य ।  
वँह्य वँर्यऒि हरामकिस खऒानस  
तवु ख्वतु हलालकिस दानस पाँर्य ।।  
वँह्य वँर्यऒि यारि रोस्तिस वनस  
तवु ख्वतु दारि रोस्तिस पानस पाँर्य ।।।

★ ★ ★

४८

क्रय युस करि सु हन मो थकी  
शरह पकी पाँलिथ तु कथ ।  
शूब तस आसि युस सहऒय पकी  
लूब तु तमाह गाँलिथ तु कथ ।।  
युस कीऒम आँसिथ लीऒम पकी  
पनुन पान थवि वाँलिथ तु कथ ।।।

★ ★ ★

४९

कानन तहँघन दौर्यजि नु सिपर  
करतँज छवकन फिर्यज्यस नु र्वय ।  
बलायि तहँजे वैद्यज्यख शकर  
अदु छुय येति क्या तति ओबर्वय ॥

★ ★ ★

५०

काम क्रूद लूब मुह तु अहंकार छुय  
दोजखु नार छुय दिवान ब्राय ।  
क्रय तु कारन उन्दु आदार छुय  
चंदस द्वार छी मो कर ज्ञाय ॥  
हजरते मुहम्मद हवादार छुय  
यथ व्यचारस बिहि पानु खुदाय ॥॥

★ ★ ★

५१

कामु तु क्रूदय लूब तु मूहय  
पवनु सरहान ग्याना कथ ।  
पापु सरस सौर कोरुम रूहय  
रौंगुम रोय तु चैंग्यम च्यथ ॥

★ ★ ★

५२

कुसू गौव तु वॅम्पू ड्यूठो  
कमू छी तथ ?? प्यठ ।  
युस यथ कामि चैलिथ ब्यूठो  
तॅम्पु त्युथ लोबो ल्यैठुय वथ ॥

★ ★ ★



५३

कुरान परान कोनो मूदुख  
कुरान परान गोय नो सूर ।  
कुरान परान जिंदु क्यथु रूदुख  
कुरान परान दोद मनसूर ।।  
कुरान परान क्यथु बे गम रूदुख  
यामथ फोरुय अकहोत चूर ।  
यिमव पोर कुरान शब व रोज़ वोदुख  
वदान सपनुख अँडिजन सूर ।।

★ ★ ★

५४

कूर छय मकृत्र दिन्य दिवदारस  
चँटिथ करुस गनि लारी ।  
गोबुर छुय तौज़्य बचि आँखरस  
लँदिथ पलनु करुस सवॉरी ।।  
बोय छुय अथु खोर बुजिरस  
पेयस मुहिम कर्यस यॉरी ।  
रँन्य छय रतन मनु टिपारस  
नुन्दिस त् डठस करी यॉरी ।।

★ ★ ★

५५

केंचन द्युतुथ येति क्याव तोतुय  
केंचन येति नतु तोतुय क्याह ।  
केंचन द्युतुथ लालुक त्रोटुय  
केंचन गाशि मंज़ु गोदुय गाह ।।

★ ★ ★

५६

केंचन छलु कथ कल ब्द हॅरिथ  
केंच दार तु तोलु आयि वुनी ।  
केंचन अमृतु किंथ बॅरिथ  
केंचन वुम्बुर गॅयि दुयिवनी ॥

★ ★ ★

५७

केंचन द्युतुख तोरय आलव  
केंचव रचायि नालय वथ ।  
केंचन मस चथ अँछ लजि तालव  
केंचन न्यूलुय चॅल्यु हालव ख्यथ ॥  
केंह गॅल्यु मूलु तु केंह गॅल्यु मालव  
केंह गॅय वानन फालव दिथ ॥॥

★ ★ ★

५८

केंचन साहेब्यु दिचाव क्रचर  
लॉनिस लेख्यतिस क्या क्युथ करे ।  
कुंह कोरुन छोन तु केंचन बॅरचर  
आसि नय अँरचर कवु पुछि यिजे ॥

★ ★ ★

५९

केंचन कबर छय पोश ज़न शेरे  
केंचन कबर छय सियाह चाह ।  
केंह गॅल्यु साहिबु चाने वेरे  
केंह गॅय ज़ेरे अकि गुमराह ॥

★ ★ ★

६०

केंच तु चॅल्य् ख्यथ ख्यवान बॅली  
तिम स्वखु म्वखु व्वजॉली छी।  
शेतॉन्य् तय कोरुख अकु खॅली  
तिम सहज लबन नतु बॅली छी।।

★ ★ ★

६१

केंच तु जलु मंजय दॅदी  
केंच तु फीरिथ आय अॅगनु स्वरूप।  
केंचव तु आरुबलु लाल लॅबी  
केंच तु छॅरी आय संगल दुपु।।

★ ★ ★

६२

केंचन ड्यकु छुय क्रय तु कामन  
केंचन ड्यकु छुय यनामन कीतू।  
केंचन ड्यकु छुय हंद नतु सदामन  
केंचन ड्यकु छुय पामन कीतू।।

★ ★ ★

६३

केंचन कबर छय पोश ज़न शेरे  
केंचन कबर छय सियाह चाह।  
केंह गॅल्य् साह्यबु सुंजे वीरे  
केंह गॅय ज़ेरे अकि गुमराह।।

★ ★ ★

६४

कंघो माज़ो लुकु हुंदिस कुसस  
मुनाफिकस लदन बोरु ।  
दोज़खुनि नारु लागस पाकस  
अदु नापाकस फख यियि च्वपूरु ॥

★ ★ ★

६५

कंघो राथ खूचुख ज़लस  
अज़लस क्यथ वॅछ काय ।  
यथ दुनियहस रखज़ालस  
योत च़लस हो पॅछ्य आय ॥  
जॅमीनस फल ब्वि कमस तु आलस  
नतु कुत्य् आलुच्य् छॅरी गाय ॥ ॥

★ ★ ★

६६

कंघो मरगि गुर्यन खसख  
कंघो वसख नदि नावे ।  
कॉल्य् संगरुक शीन ज़न च़सख  
अदु मॉन्य् डजन लगख तच्चि तावे ॥  
पव योद पकख तवु अदु लसख  
नतु हबा कोरमुतुय रावे ।  
बालु पानु लोसख बुजर डुसख  
लोरि रोस अॅनिस वथ कुस हावे ॥

★ ★ ★

६७

कम सना नेंदरि हँती वुदी  
कम सना नेशि ब्वदी ब्योन ।  
कन सना लोलु अँशकुनि दँदी  
कम सना सास तु कम सना स्वन ॥  
कम सना मरनस ब्रोंतुय मूदी  
ऑसी सास तु सपनी स्वन ॥ ॥

★ ★ ★

६८

क्या करि दंदु रोस डूनिस  
क्या करि रँनिस तीर कमान ।  
क्या करि म्वख्तु हार हूनिस  
क्या करि अँनिस पदमान ॥

★ ★ ★

६९

क्या कॅर्यजि मरनस मॅर्यनुन्यन वकानन  
गौव कमन जानन छांगुर वॅरिथ ।  
पोन्व् ज़न चॅमिथ गव नव्यन बानन  
गॅय वॉन्व् ज़न वानन फालव दिथ ॥

★ ★ ★

७०

कॉम नय आसि तु कानथ कशी  
लूब नतु आसि तु ज़ी कथ आये ।  
दुय नय आसि तु सकली रेशी  
स्वर नय आसि कुस कस दिये ॥

★ ★ ★

७१

क्वकुर बांग दियम पॅतिमे प्यारे  
चाकुर वॅरुम नतु यूरुम क्याह ।  
बुकुरि सास प्यवान थज़कारे  
वुकुर गच्छि तु दपस क्याह ॥

★ ★ ★

७२

क्वल मो लगी रंगन तु संगन  
क्वल मो हंगन ल्यखनय आव ।  
क्वल मो अशुद लगी अंगन  
दरन अमल नतु क्वल कति आव ॥

★ ★ ★

७३

कसब यिम करन तु नमाज़ गुज़ारन  
? ? तिम यथ समसारस ज़ाय ।  
छख लागनय बॅदिथ पालनय करन  
पॅपिथ यियख बॅड रहकाय ॥  
तारु तरन तु नारु उबरन  
तवुक फॉज़ दियख पानु खुदाय ॥

★ ★ ★

७४

कामु तु क्रूदय लूब तु मूहय  
पवनु सरहान ग्याना कथ ।  
पापु सरस सॉर कोरुम रूहय  
रौंगुम र्वय तु च्यौंगुम चथ ॥

★ ★ ★

७५

कॉल्य् बुथि वसनम नालु मोत ह्यनम  
ग्रशन अमलु तु क्या चोन नाव ।  
छटि तु गटे अँशदर वसनम  
क्वसु म्यॉन्य् अमल तु क्या म्योन नाव ।।

★ ★ ★

७६

कॉव्य् खेयि गूज कान सतुतिस  
न्यपथस मरुन कंदे ।  
बराबर हुंद लोलॅर प्यव क्वकर पूतिस  
उतनि बलायि तुतिस व्वंदे ।।

★ ★ ★

७७

कुस नु गौडुम कुस नु छौडुम  
च्रमरुवि हाँकलि गौडुम सुह ।  
नफस तु शेतान छलु पॉठ्य गौडुम  
गौडुम व्वंदु तु वोलुम गींह ।।

★ ★ ★

७८

खानन हुंदान यिमन रोबु खानन  
जानन दपान जि ऊर्यहुंद गछ ।  
स्वंदुर डीशम हर्य वखनावान  
च्रमरव सुत्य् डुवान लछ ।।  
तति अज़ डीठुम कपसि खनान  
नसरु मे वुछ, च्चु वुछनि गछ ।।।

★ ★ ★

७९

खबर च्चे थॅवनय नु रुहस  
थ्वकु चानि अथ पॉर्य ज़ॉनी ।  
नावि थफ कर तो नोहस  
नतु सोदरस थाह कति चॉनी ॥

★ ★ ★

८०

खलुर दूदस साद क्या ज़ाने  
बेद क्या ज़ाने नागुर्य पन ।  
वांदुर चंद्रनस तर क्या ज़ाने  
यम क्या ज़ाने शाम ख्वफतन ।

★ ★ ★

८१

खुदाय छु अकुय नाव छुस लछा  
ज़िकरि रोस अख कछामो ।  
वुम्बर व्यंदुन अकुय पछा  
रिज़कु रोस अख मछामो ॥

★ ★ ★

८२

खसख वान तु ल्वय ज़न वज़ख  
बूज़न दपी तु बोज़ख नाव ।  
च्वपॉर्य फेर तु वावुरि क्वज़न  
च्चे वॅरुम्य् कोरुय स्वज़न नाव ॥

★ ★ ★



८३

गॅरीबस क्वलय छे कुडॉजी  
तवय शांत्यव पॉजी मो ।  
क्रोन्य क्रोन्य करान खेयिनस नॉजी  
स्व प्वन्य पापस बॉजी मो ।।  
दब दब करान तु लॉजनस नॉजी  
खॅन्य तलु तमि कॉर तॉजी मो ।।।

★ ★ ★

८४

गुरि रोस सिपाह छुय शुरि रोस मोलो  
मालि रोस शुर छुय फलु रोस कान ।  
पीरु रोस मुरीद तीरु रोस नोलो  
खोरि रोस नॉविद तोरि रोस छान ।।

★ ★ ★

८५

गाँठ क्या ज्ञानि आयरि वसुन  
माँथ क्या ज्ञानि मोदुर दाथ ।  
शांत क्या ज्ञानि ललनय रसुन  
हाँठ क्या ज्ञानि प्रसुन क्यात ।।

★ ★ ★

८६

ग्यान यस वोत रन तस तॅजी  
सु करि हरस च्चेति बाव ।  
मद यस मूर तु खुदी च्चॅजी  
बु नु कुहनु तु मे क्या नाव ।।  
सु येम्य् ड्यूठ दुय तस च्चॅजी  
अद कुस करि क्वंद तु ग्राव ।।।

★ ★ ★

८७

गरुक अँगन ज़ोनुम नु अवलन  
याम आवलनु ख्वर ज़ु वलनय आय ।  
गरु दौपुय सरुहानु अवलन  
गरु दपय नर कुत्पु वलनय आय ।।

★ ★ ★

८८

ग्रटु छु फेरान ज़ेरे ज़ेरे  
ओहकुय ज़ानि ग्रटुक छल ।  
ग्रटु येलि फेरि तय ज़ाँव्युल नेरे  
गौ वाति पानय ग्रटु बल ।।

★ ★ ★

८९

ग्वफ बु वंदय हंदि लरे  
जंदो बु वंदय पॉटी काय ।  
गगरन तु राज़ु शोगन कंदे  
वुम्बुर व्यंदे गरे डाय ।।

★ ★ ★

९०

ग्वर यस आसि सु नेरि कंदि नेरे  
गछि बरुन्यु तिहुंज हमेशु कल ।  
ग्रटो फेरान ज़ेरे ज़ेरे  
योद कूछ ज़ानी ग्रटुक छल ।।  
वारु येलि फेरि तु ज़ाँव्युल नेरे  
अदु कुह वाती पाथि ग्रटु बल ।।।

★ ★ ★

९१

ग्वरु कथ छय नाबद तु टंग  
योद रोच्ची तु यिी ।  
गँछिथ गोर ग्वरस मंग  
तवु व्वंदस शिहलथ पेयी ।।  
तवय चली रोजुन बंग  
खुदा ति अथि यिी ।।।

★ ★ ★

९२

चु छुख बिहिथ प्यठ रोबुखानस  
मेहमानस जाय कति दिख ।  
छान येलि वसी चंदन तानस  
तोरकस छानस वन क्या दिख ।।

★ ★ ★

९३

चंदुन चॅटिथ अरखोल सोगुम  
शेतॉन्य जोगुम पतु शाहमार ।  
अथु ख्वर छजाम अथि नो लोगुम  
छ्वनि कथु करान गोस शर्मसार ।।  
न काँसि दिचाम, न काँसि जोगुम  
समसार जौनुम मे शून्य कार ।।।

★ ★ ★

९४

चुय दिवु दरथस तु गरथस पजख  
चुय दिवु क्रंजन हुंदुय छांफ ।  
चुय दिवु ठैवु रोस्तुय वजख  
कुस छुय पौन्य तु कुस छुय पाफ ।।

★ ★ ★

९५

चालुन छुय वुजमलु तु त्रटय ।  
चालुन छुय मंघुन्यन गटकार ॥  
चालुन परबतस करनि अटय ।  
चालुन छुय मंज अथस ह्योन नार ॥  
चालुन छुय पान कडुन ग्रटय ।  
चालुन छुय ख्योन वेह तु गार ॥

★ ★ ★

९६

चोक तु मोदुर ट्योठ तु जहर  
खुनि जिगर येम् ओहरु ख्यव ।  
येम् योत प्यठ ह्यँच च़ेड तु कहर  
सु तथ शहर गँछिथ प्यव ॥

★ ★ ★

९७

छि पॉजन आपरान तु क्वकर तछान  
छि मुडन फेरान बरतल त्रुकी ।  
छि स्वज़न जखान, क्वज़न ख्यवान  
छि जॉकिर हॉरान गॉफिल सोखी ॥

★ ★ ★

९८

छरा पेयायस कवु सनु च़ॉजिन  
मनसूर काकस वुहनाँजन गँय ।  
शांति हुंज क्रय क्यथ सोदु वॉजिन  
अँदरिच ऑस तु न्यबर कथ पय ॥

★ ★ ★

९९

जॅरिस ज़र च़ाम हंगरे  
बलि ना खंडु नाबदु शकरे ।  
सुय रंगुर छारुन थिं गरे  
युस क्रुहनिस थानस छोट करे ॥

★ ★ ★

१००

ज़ाड्यन मंज़ लाल मो खोलन  
ज़ालन मंज़ जानवार बोलन मो ।  
सुरु लाद्यन यँबुरज़लु मो फवलन  
काद्य वानन म्वख्तुहार मेलन मो ॥

★ ★ ★

१०१

ज़ात छु दपान ज़ात छय म्यौनी  
तस अक्ल तु ब्वद दौनी मो ।  
उलग ज़ात नकस कुनी  
पुलग ज़ात काँसि कुनी मो ॥  
योद ब्वय आसी असलामुनी  
तवु ख्वतु ज़ात कांछ प्रनी मो ॥॥

★ ★ ★

१०२

ज़ाथ ग्रशिथ क्या छुय सोदा  
ज़ाथ ग्रशिथ क्या मुदा छुय ।  
ज़ाथ नो थँवनय वँबीलु जुदा  
सारिनय ब्रौठ गदा छुय ॥

★ ★ ★

१०३

ज़िकरि सुत्त्य रटुन माले  
फिकरि सुत्त्य तारुस पन।  
नफ्स गंड मालि हाले हाले  
ज़न तोरुथ म्वख्तु माले पन।।

★ ★ ★

१०४

जुव तु मोर गछि पानस पानस  
क्या लार्यव नादानस मे।  
संज़ येलि करन कफनस तु स्नानस  
दाह बॉन्न अंदु वुछन मेहमानस मे।।  
त्रॉविथ यिनम अंद मॉदानस  
लुख गछन पानस पानस मे।।।

★ ★ ★

१०५

ज़्यथ क्या वॅर नादॉनी मे  
अलय कुली रॉनी मे।  
ब्रनु कुल्य् छॉनी मे  
तिमन फल नतु क्या न्यू मे।।

★ ★ ★

१०६

जुव म्याने हा मनु शोठो  
द्वहु द्वहु ग्वनाह छिय पोठॉनी।  
ग्वनुहन कुनुय बोरथम टोठो  
तति कुस यिथी टोठॉनी।।

नकीर तु मुनकर यिनय ब्रोंढो  
ती करनय यि कस्ब करान कोठॉनी ।।।

★ ★ ★

१०७

ज़्यवुवुन दोपुहम अलकास मलकास  
खलकस छँडिथ अँनिहम दाय ।  
नानि हुंज़ श्राख कोनु छुनिहम हलकस  
पोछ ऑसिथ ति ज़ज़ हैन्य तु क्याय ।।

★ ★ ★

१०८

डख चलन मंदोरि च़सन  
लूरिथ बॉलिथ आसन सॉरी ।  
जुवस व्वन्य लग्यम क्या सन  
मोलय मरि तु माजे पॉरी ।।

★ ★ ★

१०९

तील त्रॉविथ लॅश युस ज़ाले  
तस कायस कज़ुल तु अथन फख ।  
अख ख्वर व्वखुल्य अख ख्वर नावे  
पुशिस आस्यस च़कि वानि हख ।।

★ ★ ★

११०

तगियय तु बोछिस बूज़न दिज़े  
नॅनिस ग्रॅशज़ि नु क्या छय ज़ाथ ।  
सवाब सासु गनु प्रॅव्य़े  
ति बाबु नुंद करि तु रावि नु ज़ात ।।

★ ★ ★

१११

तति क्या करव छटि तु गटे  
येति लोलुनि वॉलिंज फटे हो।  
खबरि रोस कबर पानु रटि नालु मते  
मारन कूँछ तति रटे मो॥

★ ★ ★

११२

तैरिथ आरु रशास तौरिथ  
बु गोस वादु दरगाहु वॅरिथ कथ।  
अँज बरि कौनिर कुन आस नीरिथ  
बु व्वन्य ह्यकु नु फिरिथ कथ॥

★ ★ ★

११३

तोबु योद करख, बवसरु तरख  
तोबु छय वुन्यक्यन तारुवुन नाव।  
तोबु रोस पानो तति वॅह्य अबरख  
येति छय तुर तु बुशुन वाव॥

★ ★ ★

११४

तोश बन्दु नमाज़ि बेयि रमज़ानस।  
ती बायि लगी पानस सुत्य॥  
कन थव श्रुक्यन हज़रते कुरानस।  
ओत बायि वीर वाचौयि कृत्य॥  
दूहु अकि लमु लम लागि यथ जानस।  
अँद्य अँद्य यार बाँय रोज़नय कृत्य॥



सॅमिथ बॉय बॉय वालनय स्नानस ।  
लॅम्य लॅम्य बारव दिनय कुत्य् ।।  
कपुरा वलनय अँदरिस पानस ।  
नुंद तु डूठ लगी पानस सुत्य् ।।  
निथ अदु त्रावनय अंद माँदानस ।  
सॅमिथ प्यठ म्यँन्न च्यलनय कुत्य् ।।  
डीशिथ कल कवु मँठुय नादानस ।  
अथ शायि वीर गॅयि चॅमिथ कुत्य् ।।

★ ★ ★

११५

तोशान तोशान व्वदुर बोरुम  
ज़ज़ुर्य रखचस वोलुम पान ।  
ज़ज़ुर बॅरगस बॅरगस फोरुम  
वॅरिम ग्वनाह तु मोरुम पान ।।

★ ★ ★

११६

तल छुय ज्युस तय प्यठ छुख नन्नान  
वन तु मालि मन क्यथु पन्नान छुय ।  
सोरुय सोम्बरिथ येती छुय म्वन्नान  
वन तु मालि अन्न क्यथ रोन्नान छुय ।।

★ ★ ★

११७

तल छुय ज्युस तु प्यठ छुख नन्नान  
वनतु मालि व्वंदु क्यथु पन्नान छुय ।  
अज़ाब कबरस कोनु छुख खोन्नान  
दपतु मालि अन किथु रोन्नान छुय ।।

★ ★ ★

११८

दमी डींठुम नद वुहवनी  
दमी ड्युंठुमस सुम नतु नार ।  
दमी डींठुम थॅर फवलुवॅनी  
दमी ड्युंठुमस गुल नतु खार ॥  
दमी डींठुम सत ज़लुवनी  
दमी ड्युंठुमस दुह नतु नार ॥॥

★ ★ ★

११९

दमी हुय गोम दमी हुह गोम  
दमी मुह गोम मुहिथ कथ ।  
दमी अकुय कदम क्रूह गोम  
दमी सुह गोम सोतिथ कथ ।

★ ★ ★

१२०

दॅमी गरि तु दॅमी दरे  
दॅमी करय स्वखन अवलास ।  
दॅमी पांचन पांडवन मॉज गरे  
दॅमी लॉजिन क्रॉजी मास ॥

★ ★ ★

१२१

दॅमी डींठुम दज़ुवुन्यु गॅजी  
दॅमी ड्युंठुम दुह नतु सास ।  
दॅमी डींठुम पांडव मॉजी  
दमी डींठुम क्रॉजी मास ॥

★ ★ ★

१२२

दरस लोदुख कोनु सनु मूदू  
नारस लोयुख ति रूद मो ।  
ऑर्यफव तु आशकव तवय वोदू  
मनसूरय ओस मूद मो ॥

★ ★ ★

१२३

दॉनिश मंद छुय अमृतु गोरू  
फ्यूर फ्यूर आस्यस पशपान ।  
ब्रॉह कनि ह्यथ आसि किताब लोरू  
वुछिथ आसि टांजरान ॥  
वुछुन ह्योत छु अँदरु छोरू  
परस प्रुनिथ मशश पान ॥ ॥

★ ★ ★

१२४

दॉर चॉन्य कृहुन्य तु दार चोन नोवयो  
येलि च्ने ओसुय यावन मथ ।  
क्वंगम खाहस बंगु वॅम्पु वॅवयो  
वाटस तु ग्यवस मिलविथ रथ ॥  
लूबु वुछनस कथ वॅम्पु बॉवयो  
रॉवयो मंज़ बाज़रस वथ ॥ ॥

★ ★ ★

१२५

दुनियाकिस तँतिस मँतिस बाज़ारस  
डीशिथ अहारस वॅरुम गथ ।  
शेताँन्य लॅश लॉजिम पीन्नि बारस  
मे रॉव तारस चूरस वथ ॥

नहकु ब्रम बोरुम यथ बाज़ारस  
ज्यथ समसारस गॅयम लथ ।।।

★ ★ ★

१२६

दुनियहस आयाय बाँजी बाँजी  
सॅमिथ करव बाँजी वठ ।  
ब्रौठु कनि अँछन गव मोल तु माँजी  
वुछतु किछ छय साँनी वॉलिंज वठ ।।

★ ★ ★

१२७

दमी दियि तु मंज़ुलु वुजे  
सगु कनि दिज्यस हटि कुय रथ ।  
यार नय डेशन वॅह वॅर्यजे  
यार कति त्रावि यारु संज कथ ।।

★ ★ ★

१२८

द्वद त्रॉविथ युस छोर पोन्य मंदे  
सुय समसारस कंदे ज़ाव ।  
ओहर कर आव हाकस तु हंदे  
अंद वन नीरिथ तपसी हाव ।।  
पर तु पान युस ह्युहुय वेंदे  
सुय बोहु सेंदे तॅरिथ द्राव ।।।

★ ★ ★

१२९

द्वहस गुजोरुम नोफलु हथा  
रातस रूदुस जागये ।  
योद व्वन्य करुहम कोबूल्यथा  
नतु हून ज़न फ्यूरुस आगये ॥

★ ★ ★

१३०

द्वहय स्वन तु र्वफुय ज्यूनूम  
द्वहय लूख रूदिम बंदुगिये ।  
द्वहय सुवुम कपटुम तु म्यूनूम  
पतव च्यूनूम पेयम शरमंदुगिये ॥

★ ★ ★

१३१

द्यारन पुरन दारन तु डबन  
यीन्न मो दुनियिहुच कामन बर ।  
रंज कर यि छुय नु कस्बुक सामन  
बुगी सुबहन तु शामन सर ॥  
खोन्नन छुख नो तोरुचन पामन  
अत्यन गछी दामन तर ॥॥

★ ★ ★

१३२

द्युतुथ नरस गोर तु तुलरस मांछी  
द्युतुथ हुलम हॅलिस रौठनस दछ ।  
बुगु पॉरी चानि कदरौन्नय  
द्युतुथ रूसिस कोस्तूर्य रछ ॥

★ ★ ★

१३३

निलिस पेयम नु हालव, पॅपिस प्योम नु डोट  
रावि लोबुम नु रेंदिथ लबन, लोबुम नु टोट।  
काँसि पोकुस नु पतु तु कूँछ पोकुम नु ब्रोंठ  
यि आम ब्रोंठु तु तथ दिचुम नु ठोंठ।।  
अंबियाहन आस पतु तु अवलियाहन गोस ब्रोंठ  
शन आस पतु तु सतन गोस ब्रोंठ।।।

★ ★ ★

१३४

नकीर तु मुनकर जवाबस वसन  
परबथ च़सन तिहंदि वसन सुत्य्।  
शुबलिस पानस मारान तु दसन  
बॉच़ तु पौथुर मा वसन सुत्य्।।  
कुनिसुय ज़ँनिस तति आवसन  
लसन पाय नतु मरस क्यॉत्य्।  
बुकरि प्यठु येलि कफन कासन  
सरफ तु गुनसु मा वसन सुत्य्।।

★ ★ ★

१३५

नफ्स छुय वनुक अगि ज़ोलू  
नेर्यस नु पॅट कूट मंज़ॉलू।  
येम्य् च़ोट अँनिथ गजि ज़ोलू  
तँमी शरअ मुहम्मद पोलू

★ ★ ★

१३६

नफसय म्याने च्नीरिवि अगो  
दिचमय दगो फोलहम नु ज्ञात ।  
मंघन्यन मुहिथ च्चोलहम ठगो  
हा सगो पतु च्चोलहम नु ज्ञात ॥

★ ★ ★

१३७

नफसी वॅरुम अदल तु वदल  
नफस म्योन शेतानस बदल आव ।  
नफस मानिहेम क्रयि हुंघ कदल  
नफस म्योन दोज़खस बदल आव ॥

★ ★ ★

१३८

नफसी लोगुम नारो क्रोछो  
दमु दमु मौंगुनम कोछ हो ।  
सरहन बुगी दीह गोम ओछो  
बुगी स्वरन गोछ हो ॥  
समसारस आयास पांछ दूह पोछो  
गॉम यीरु गाव, तीर, वोछ हो ॥

★ ★ ★

१३९

नफसी मोरुस तु वाय  
अँचिथ रूदुम गटे ।  
अथि घन यियिहम तु हाय  
करतल छुनहस हटे ॥

★ ★ ★

१४०

नफसी कोडुस अँटी अँटी  
नफसी कोरुस पशेमान ।  
नफस छुय मद् होस हाँकल चँटी  
नफस येम्प रोट वोत ला मकान ॥

★ ★ ★

१४१

नंगर तेलान संगर मालन  
छेन्यन पलन तति वालन क्या ।  
साँरी छि दपान दोज़खु ज़ालन  
यिमन येति सूर गव, तिमन ज़ालन क्या ॥

★ ★ ★

१४२

नुंघन सुत्प संज़ करान रँस्यजे  
ज़न दिजे शाह वुलगि कंज़ ।  
डूठ्यन सुत्प संज़ करान चँस्यजे  
ज़ांह अँच्यज़ि नु तमन्यन बानन मंज़ ॥

★ ★ ★

१४३

नफस द्युतुख ओरय मीनिथ  
गछखय चीनिथ करख नु फौत ।  
दम द्यू हकस लाल ज़न ज़ीनिथ  
नतु छुय कुल नफस ज़ायकत्तुल मौत ॥

★ ★ ★



१४४

नफ्सस मो दफ बदय  
नफ्सस सुती सोदा छुय ।  
नफ्सुय रटुन मालि हदय  
नफ्सस परज़ुनिथ ख्वदा छुय ॥

★ ★ ★

१४५

नफ्सु चूर बुछे  
द्वहय बु कोछ दिमुहाय ।  
ऑखुर तूर्य गछुन गछे  
यथ ज़लस हो पॅछ्य आय ॥

★ ★ ★

१४६

नफ्सुय मन मॅच़रावी  
मेठि तु ज़ेठि पुछे ।  
तवय उलग तु पुलग रावी  
कुनि नतु कवु मालु पुछे ॥

★ ★ ★

१४७

नफ्सॉनियथ छय न्वकसान दीनस ।  
बोवी नु तथ ज़मीनस फल ॥  
नसर बाबु वगि रोज़हम कॅरीनस ।  
तवु समन्द दिनय ज़मीनस तल ॥  
मो माज़ मसस माज़स तु मीनस ।  
तवु दिल गछी शीनस तल ॥  
नसर बाबु पान पुशर जान आफरीनस ।  
तवु सुत्पु च़ली ऑयिनस मल ॥

द्वहु योद क्राव करख वदनस रिनस ।  
अदु हज़रत रछी सीनस तल ॥

★ ★ ★

१४८

नफ्सय म्यानि नाटु यारो  
वारु रूदहम नु ज़ात ।  
जिगरस करुहय पारु पारो  
गुरु गुरु कोरथम च़ोलहम नु ज़ात ॥

★ ★ ★

१४९

नर ब्यूछुय, नारान ब्यूछुय  
ईशर ब्यूछुय ह्यथ कपाल ।  
डंडक वनुक राज़ु राम ब्यूछुय  
अँस्यु गॅरीब तु बोछ क्य़ा छे गाल ॥

★ ★ ★

१५०

नसर नसर सरु कर  
कस यारु क्रशख दीहि सासे ।  
रहि नु माल मुराद तु बॅरच़र  
यि हबा आरच़र नकस आसे ॥

★ ★ ★

१५१

नसरु पोशख नु शेतान म्वखस  
युस तसुंदिस म्वखस माज़न ।  
क्रयि निशि दूर प्यवान द्वखस  
लूब येम्युक क्वहा पाज़न ॥

★ ★ ★

१५२

पानय ऑसिथ पानय बोवुन  
पानय ख्वश ब्वय करौवुन लछे ।  
पानय पान कनि कनि क्रोवुन  
शरहुक सोथ ब्यूठ अदु पछे ।।  
दरियावु पतु येलि मोजा होवुन  
लाल तु रत्न प्रॉविन दूछे ।।।

★ ★ ★

१५३

पज़ि कथि रूदुख अँकिस दूह मो  
मुखस पतु ब्रोंठ ह्युवुय गोय ।  
तेलि प्योख फिकरि येलि गोख कोहनो  
वुम्बुर ग्रंजाख दूह मोचोय ।।  
नुन्दिस कुन ख्वरॉय ब्रोंह मो  
याम इबलीस खज़ानु ह्यथ गोय ।।।

★ ★ ★

१५४

पानय छु गिंदान नफसी इसबातस ।  
अँकिस सातस लब्यस नु छ्यन ।।  
आरॉयिश दिचुन अथ सिफातस ।  
ज़ातस लोबुन नु मरुन तु ज्यन ।।  
शर्फ बख्शुन हज़रते इनसानस ।  
त्रुकुय छुख तु पानय च्यन ।।  
सोरुय पानय वुछख क्या पानस ।  
रातस लबि नु नैदुर तु ख्यन ।।  
यिमव नु द्यान कोर अथ ग्यानस ।

अँनिस छु हलहुय रलथ तु घन ।।

★ ★ ★

१ॡॡ

पलनय पुऑ तु पलनय कसलब  
पलनय पलनस यलवलन ऑरलख ।  
पलनय पलनस ह्यवलन हलसलब  
छु पलनय मलऑ तु पलनय शुरलख ।।

★ ★ ★

१ॡॢ

पलनय छु पुऑ तु पलनय कसलब  
पलनय छु पलनस यलवलन ऑरलख ।  
पलनय पलनस हूँट ऑऑनलवलन  
छु पलनय मलऑ तु पलनय शुरलख ।।

★ ★ ★

१ॡॣ

पूऑ दपुन छुय नलरु दुरलव सुवन ऑन  
मूरल अरुयन ऑन ऑलशुर पेये ।  
अपुऑ दपुन छुय बूत असुन ऑन  
यलम नु पँलुयु वँवुयुऑल तु तलम कतल बवुवे ।।

★ ★ ★

१ॡ।

पूऑ यूद बूऑख पलंऑ नूमूरख  
नतु मलऑ नूमूरख सुवय छय नमलऑ ।  
शलवस तु शलनुयहस मुयुल यूद करख  
सुयद छय रेषुयु मललल सुवय नमलऑ ।।

★ ★ ★

१५९

पोशि मत्यन यिमन अब्दालन  
ख्वश वॅगलिमन बोज़ख माने ।  
गोश रोटुख प्यठ संगठन  
यिमन लालन म्वल कुस ज़ाने ॥

★ ★ ★

१६०

पांचन वक्तन सॅजदा दिजे  
म्यूठ तु मोदुर खेज़ि नु ज़ाथ ।  
मातम ह्यथ द्वह द्वह रुज़े  
दुनियिहुच लादन हेज़ि नु ज़ाथ ॥

★ ★ ★

१६१

परान परान ताल ज़्यव फोजिख  
ल्यखान ल्यखान अथु तंग आय ।  
तोति नु दुनियुहुच कल ब्वद च़ेजिख  
व्वंदस लॅजिख नु फिकिर तु दाय ॥

★ ★ ★

१६२

पोज़ दपान पन ज़न नटख  
अपुज़ दपान लगी रस ।  
मुहम्मद त्रॉविथ इबलीस रटख  
खुदॉय द्युतुय तु खटख कस

★ ★ ★

१६३

परान परान पर गॅय  
तिम खर गॅय किताबु बार ह्यथ ।  
यिम दिलु निश बा-खबर गॅय  
तिम नर गॅय फज़्ल तु अता ह्यथ ।।

★ ★ ★

१६४

परान परान पालुन मौटुम  
लेखान लेखान ज़ोलुम दिल ।  
ज़िकरि सुती ख्वदाय टूटुम  
फिकरि सुती रोछुम शिल ।।

★ ★ ★

१६५

परान परान पालुम मौठमो  
ल्यखान ल्यखान ब्यूटुम दिल ।  
ज़िकरि सुत्यन मौला टोठमो  
फिकरे सुत्यन रोछमो शिल ।।

★ ★ ★

१६६

गिनिस बदनस मल्युन दाग गोम  
ज़ाग गोम नीरिथ बाग अँद्रय ।  
हारनि गरमियि पोह तु माग गोम  
फाह गोम नीरिथ हर बंदरय ।।  
ज़ज़रन छवकु हनि हनि दाह गोम  
ग्वनाह गॉम च़ेरी तु क़ेह्नु उबरय ।  
म्यूठ तु मोदुर ख्यथ उंद सियाह गोम  
नाह गोम पानस राह कस करय ।।

★ ★ ★

१६७

पलना करेयम द्यव कुन वातु ।  
येम्य् दुनियहन कौरुम रातु म्वगुल ॥  
कावव तु गांटव करिहम बातु ।  
सॅमिथ गबि रॉछव कोरहम गल ॥  
शाह पर थॅकिम ज़ज़ुरनु ख्वतु ।  
स्वनस रूदुम नु काद्युन म्वल ॥  
बयि छुम तमि सुमि अंद वॅह्य वातु ।  
येमि तॅल्य् पकान नारुव क्वल ॥  
हंगु वसि ज़ज़ुर गंग ज़न स्वति ।  
सोतिथ पेयम अक्य ज़्वल ॥

★ ★ ★

१६८

फॅकीरस व्वंदस श्रोपू  
सु ज़हमथ तसंज़ रहमत वेंदे ।  
तस कालुक न्यूल तु पगहुक पोपू  
सुय गछि तॅरिथ बुहु सेंदे ॥  
यिमव खुदाय तु रसूल सौरू  
ती येम्य् पोल सु चाव ग्रंदे ॥ ॥

★ ★ ★

१६९

फोल हय ववख दाह फॅल्य् बोवनय  
दौलथ बर तल नु यिवुन्य् ज़ात ।  
खुदॉय दितुय नु कूछ ग्वनय  
नीकी करनय छ्वनी क्यात ॥

★ ★ ★

१७०

फर्ज आव तय राथ गॅयि अदा  
अति क्या ब्यूतुख रादा दिथ ।  
बांग तय सलात तोरुक नादा  
तति किहो आखो वादा दिथ ।।  
फर्ज तु सुनत कर मालि अदा  
निनुयो जनतस नादा दिथ ।।।

★ ★ ★

१७१

बायो तेलि गछख हॉरानस  
येलि पानस थकी देह ।  
क्या कॅर्यज़ि बलु वॅटिस शेतानस  
येम्य हेत्य सारि जहानुक्य हिं ।।  
कुनिसुय निनय अंद मॉदानस  
ऑरतिस पानस पालन प्रेह ।।।

★ ★ ★

१७२

बुगि च्चे ति कल गॅयी म्यॉनी  
गोसय बु गॅल्य गॅल्य च्चॅमिथ कथ ।  
अदु व्वन्य बु ति कल त्रावु नु चॉनी  
याम हांकल गछ्यम च्चॅमिथ कथ ।।

★ ★ ★

१७३

बुगु पॉर्य पॉर्य चानि क्वदरच्युय  
जोनुथ यस युथ द्युतुथ तस त्युथ अवकाथ ।  
साहिबु पॉरी चानि मॉर्यफच्युय  
द्युतुथ रसूले खुदायस मोजुजाथ ।।



★ ★ ★

१७४

बु छुस अकुय, सुत्त्यु गौछुम यार  
यारस सुत्त्यु दमु दमु पकु ।  
यार नय डेशन गुल गछ्यम खार  
येति म्योन यार, तति म्योन मकु ॥

★ ★ ★

१७५

बु कुहु वनय चु क्या बोज़ख  
बूज़ख छि वुनि नैदरि हँती ।  
योरु येलि गछख तोरु यिनय बोज़ख  
येति नय बोज़ख, बोज़ख तँती ॥

★ ★ ★

१७६

बु पौर्य कांगरि तु जंदस  
येम्यु वंदस कॅरुम तुरि रॉछी ।  
बहु तु बहूमत न्यामॅन्न वंदस  
नून तु सँदरु काँज़ छुम यँड रॉछी ॥  
बु क्याह मंगय कलायि कंदस  
हंद तु हाख छुम छोट माँछी ।  
बुगि मेहरा छुनतम व्वंदस  
द्यव बंदस गछ्यम शरमि रॉछी ॥

★ ★ ★

१७७

बु मय माज़य आदर तु शूरे  
बु दँय खोतुस कोस्तूरस ।

बु क्या मंगय गोबुरस तु कोरे  
बु पॉर्य लोरि तु बोस्तूरस ॥

★ ★ ★

१७८

बु योद ज्ञानुहा दुनिया छु ब्रमा  
नमुहा तु ह्यमहय लागुन जॉनी ।  
कोरथम छल तु छुनथम गमा  
पथ कूँछ लोबुम नु सथ छम चॉनी ॥  
छुख सोर पानय पान छु दमा  
नाहकु हांछ वॅरुथ मॅरिस म्याँनी ॥ ॥

★ ★ ★

१७९

बुगु कंदि छावुहम हर्यन  
वुछख नु गनु तुलर्यन मांछी ।  
बोम्बरा तु रोजि नु थर्यन  
नाहकु छन्यन लर्यन करव रॉछी ॥

★ ★ ★

१८०

बंगि कॉनिस अंबर छ्वटे  
वीरि कॉनिस फल नो बोये ।  
ग्वरु कॉनिस अंबर म्वटे  
वतु कॉनिस अंदोह पेये ॥

★ ★ ★

१८१

ब्यगुर ल्योल तु छापुर पॅजी  
बंद अथि खेजा लॅजीयो ।  
डाय गज़ अरज़ुथ ज़मीनु दुजी  
यि दुनियिहुच लोलॅर चॅजीयो ॥

★ ★ ★

१८२

ब्रॉठ येलि छुनन पापुन्य बॅही  
तति कथ पोशु वदनस तु रिनस ।  
वॅरिथ ग्वनाह वॅदिथ मही  
वॅह्य वसु तहि ज़मीनस ॥

★ ★ ★

१८३

मॉज ग्वफि छुम कोडमुत गछ तय  
मॉज सुह तय शाल छिम बॉचुय ।  
मॉज वमुर व्यंदन अख पछ तय  
मॉज द्यव यछ छिम खॅजमॉचुय ॥

★ ★ ★

१८४

मॉज बु ति नय गरु चोन यिमय  
मे बिन्य् ख्वदॉय थोव यी लोनो ।  
मॉज थाजि नय बतु चोन ख्यमय  
मे बिन्य् अन तवु साफ सपनो ॥

★ ★ ★

१८५

मीश खश ना करनस पज़ी  
ज़ान तु वुछ सुय कपटान ।  
योद म्योन ग्वरु पद सज़ी  
अकुय जुव बडि बुह गिंदान ।।

★ ★ ★

१८६

मुकाम रूज़िथ मन नु मोरुम  
यि कॅम्य हूंच्यु फुटोरुम शीश ।  
गुपन वूरे व्वदुर बोरुम  
कस नु कोरुम वलुवीश ।।  
यि दिह शीरु नाबदु संदोरुम  
अदु सखोरुम परदीश ।।।

★ ★ ★

१८७

मुडो कंघो अन्नख चिलस  
कथु कर पनुनिस दिलस सुत्यु ।  
युथनो शेतान फरी शिलस  
अदु तुलनय अबू जहालस सुत्यु ।।

★ ★ ★

१८८

मुडस निंन छुय हॅस्युतिस कशुन  
दांदस निश यस बिहे च़ाव ।  
मुडो मुरखो मरुन कवु मशुन  
म्येत्रस स्वकार छि तारन नाव ।।  
क्यथु नु साहिबस मँगिव अरशुन  
छु सौंतु फलस वरशुन वाव ।।।

★ ★ ★

१८९

मो कांछ शुर्य मुर्य तु गबर  
मो बर गुमान छुस दुनियादार ।  
कॉल्य् होश थकी त्रोपुनय ज़ु बर  
अदु शुर्य मुर्य तु गबर गंडनय लार ॥

★ ★ ★

१९०

मनस खय कास ज़न ऑयीनस  
तवु ज़नस गछी ज़ॉनी ज़ान ।  
थलि थलि क्या छुय शुर्य म्वखु पानस  
मरनस ब्रॉठ मर सुय छुय ग्यान ॥

★ ★ ★

१९१

मलु छिवु तोह्य तु मंजु कम द्रसु  
छलस छिवु ज़ागान अँकिस अख ।  
अँलिम छिवु परान माशि कि हावसु  
मे हमसन डीशिथ यिवान च़ख ॥  
येति छुवु गुमानु अँस्य् छि खासु  
तति नो म्वकलिव सासु मंजु अख ॥ ॥

★ ★ ★

१९२

मल्ला ड्युतुम माशी ख्यवान  
हाकस दपान यि छुवु कछ ।  
डाकर छुनान बाकर ख्यवान  
मँशीदि दपान ज़ि अति छुवु यछ ॥

★ ★ ★

१९३

मलय ऑस्यज़ि तु मोलाये रोमी  
नतु वॅर्यज़ि रुमु रुमु इस्तिगफार ।  
सोदरस तार दितुय तॅमी  
पानय सपुन पानस यार ॥

★ ★ ★

१९४

मर्ग छुय सुह तु कोतू वॅलिजे  
खेलि मंज़ु कडी चॅरिथ कठ ।  
मर्गच शर्बथ चनु रोस नु बॅलिजे  
सुलि क्यथु नु गॅयास मॅरिथ कथ ॥

★ ★ ★

१९५

मुहम्मद तु चोर यार बर हक गॅज़रख  
तिमन निश अंदि दीनुक न्याय ।  
जान पान पनुन तिमन पथ बॅज़रख  
स्वय छय तोर किच बॅड रहकाय ॥  
अॅनिस अथुवाल पाय क्यथ स्यज़रख  
यामथ नु वरज़रख पीरु संज़ जाय ॥॥

★ ★ ★

१९६

माज़ुय छुम तु माज़ क्यथु ख्यमु  
ख्यमु हा गाडु छिख अॅड्यजि तु पखुच ।  
व्वन्य् छम नेथा यूतुय ख्यमु  
अख म्यॅट मीनिथ साहिबु बखुच ॥

★ ★ ★

१९७

माशोकन येलि दर्शुन होवुन  
दर्शुन द्योवुन मनसूरसय ।  
शोकुक शराब सु येलि चोवुन  
कत्ल क्रोवनस ज़न चूरसय ।।  
क्वंगु तु कोस्तूर तति येलि नोवुन  
मन मनोवुन तैम्य दारुसय ।  
आशकन ऑरिफन वथा हॉवुन  
कथा थॉवुन समसारसय ।।

★ ★ ★

१९८

मंगुहा तु छु मंगनस आरा  
छे मंगनस तु मरनस अकय बिथ ।  
हातम ताई जगु दिव दाता  
छुख पानय दाता बेयन हुंद हिथ ।।

★ ★ ★

१९९

यख तुलकतुर शिशर गाँटु शीन  
तिम ब्योन ब्योन पॉदु वॉर्यु आशीन ।  
यामथ खोतुख पूरि किन्यु रव  
तामथ तिमन च्वन अकुय गव ।।

★ ★ ★

२००

यार हय आसि तु सर तस दिजे  
यार छुय विज़ि विजे बिंता ।  
बुतलिस चैम्युजि तु अदु कति यिजे  
वक्तु रखचस वॉर्युजे क्यात ।।

★ ★ ★

२०१

यावन् पचास रंगन तु संगन  
हंगन बबर लॉगिथ कथ ।  
ऑसिम खरन कूश तु पॉजम् जंगन  
अंगन जाम् पुरिथ कथ ॥  
मोत हापुत खोतुम टंगन  
वोथुम ज़न लंगन गरि सूर कॅरिथ कथ ॥॥

★ ★ ★

२०२

यावन् हंग गॉरिथ पर गरस  
यामथ खरस रॉवी कन ।  
यामथ क्रशख परस  
तव गॅरिथ गछी खारस कन ॥

★ ★ ★

२०३

यावन् म्याने गुलि अनारो  
छी रंबुल्य् गुल्य् तु शूबजि मछय ।  
यिम येलि ज़ालनय दोज़खुनि नारो  
अदु क्या करु तु अदु कोर गछय ॥

★ ★ ★

२०४

यावुन म्योन सु ति कोर सनु गोम  
ब्वन वालुन कान तु नॉविथ कथ ।  
थॅकिम कोठ्य तु कारवान ब्रॉह गोम  
संगुर्य दूह गोम वॉलिथ कथ ॥  
वनुन काँसि हुंद व्योपुम नु पनुन राह गोम  
सियाह गोम कलम लीखिथ कथ ।  
ज़ानि कस वॅनिथ यीरुवुन तोह गोम  
दुनियिहुक मुह गोम चॅलिथ कथ ॥

★ ★ ★



२०५

यि हय मॉज कूर्य योद व्वन्य् तगी  
अथि द्यन लगी नकस रँछ्यजि च्यथ ।  
यि हय मॉज त्वर्ग रँट्यज्यन वगी  
ऑस्यजि मरग पनुन च्यतस ह्यथ ॥

★ ★ ★

२०६

यिम कस मॅरिथ मारन  
तिम चालन तु लागन दास ।  
यिम सहजु खुदाय गारन  
तिम सोरुय व्यंदन सास ॥

★ ★ ★

२०७

यिमन क्या करख द्यारन  
यिम हो रोजन येती ।  
नमाजि पुछि हो मारन  
पाफ जीनिथ कुती ॥  
नजरा करतो अंद मजारन  
सॉरी जि चमव तँती ॥ ॥

★ ★ ★

२०८

यिम उंदु श्वद दर्शनु गॅली  
तिम नेबरु जॅरी तु वॅल्क्य छी ।  
यिम द्राय तवु नारु शिहली  
तिम अदु लाल म्वलुली छी ॥

★ ★ ★

२०९

यिमय लूब मनमथ मारन  
तिमय चालन तु लागन दास ।  
सहजु यिम सॉहिबस गारन तु  
तिमय सोरुय व्यंदन सास ॥

★ ★ ★

२१०

यिरवुन वछास चिरवुनि नावे  
आवलुन वलिमु किनु लगय बटे ।  
नाबद छुन्याम सँदरुकाँज पावे  
मेठ्या काँज किनु नाबद टेठे ॥

★ ★ ★

२११

यु साद व्वपल हाकस तु हंदे  
स्वजन सहजस ग्रंदे जाव ।  
द्वद त्रॉविथ पोन्य युस मंदे  
सु समसारस कंदे जाव ॥  
पर तु पान युस ह्युवुय वैदे  
सु बवु सँदे तँरिथ गोव ॥॥

★ ★ ★

२१२

युन गॅरा गछुन गॅरा  
कांगरा गॅछुम तपुन्य किचुय  
लँदिथ छुनिथ व्वगुन्य लॅरा  
चुय मरख तु यि कस किचुय  
अँछन वुनर कनन ज़रा  
नाहकु पांछ द्वह बॅरिम फेचुय

हचिवि लरि गोम दूदुर वॅरु  
आसमानस लॅजुम मेचुय  
अपारि बठि छुम अरुसरा  
अपारि पशन आस्यम यॅचुय  
दिमुहा वुफ, लोबुम नु परा  
परु रोस्तुय नॅर म्यॉन्य मोचुय  
छुनुहा थाह तु बोड गोम व्वलरा  
ख्वर नु वॉयिम थॅकिम हॅच्ची  
अँछ कन त्रोपरिथ त्रॉवुम लरा  
जाय शीरुम नॅदरि किचुय  
हकु कुन वातु नु लोबुम नु तरा  
??????

सथ गोम सार तु कोरनम वरा  
पोश ज़न कोरनस नपसुनि वृचुय

★ ★ ★

२१३

युन नो गोछुय अने गटे  
व्वदुर क्वलि मंज़ फटि नु ज़ांह ।  
हूनिस अँडिज रोटि नु हटे  
वॅमीनस खँदमथ व्वथि नु ज़ांह ॥

★ ★ ★

२१४

युस ओस मेचि तल आव सू  
स्व म्वखु ओस प्यठ बवुसर ।  
येति बूज्य बूज्य आसि नु असू  
यस नु आसि रोज़ान डर ॥  
दुनियाह छु लज़ गेलुन तु हासू  
ओसुख नु ओस सुलतान सिकंदर ॥॥

★ ★ ★

२१५

येति ति मे च्युय, तति ति मे च्युय  
मे च्चे छारान लूस्तुम दूह ।  
ग्यानस मंज येलि रोदुख मे च्युय  
मे च्चे तु पानस दितम छोह ॥

★ ★ ★

२१६

येति ति मे च्युय, तति ति मे च्युय  
मेच्चे करतम गुलजार ।  
सोरुय त्रॉविथ रोदुख मे च्युय  
मे च्युय हावतम दीदार ॥

★ ★ ★

२१७

येम्य लूब मनमथ मदचूर मोरुन  
वतु नॉश मॉरिथ तु लोगुन दास ।  
तॅम्य सहजु ईश्वर गोरुन  
तॅम्य सोरुय व्यौदुन सास ॥

★ ★ ★

२१८

येम्य ह्योत तिहुंदि बरतल ज़ागुन  
तस पनुन्य शरबथ पानु चावे ।  
छिस पॉथुर ब्योन ब्योन अकुय छु मागुन  
सु यस टोठि तु सुय अदु प्रावे ॥

★ ★ ★

२१९

युस ओस येति सुय छुय तते  
सुय छुय थिं शायि रँटिथ मकान ।  
सुय छुय प्यादु तु सुय छुय रथे  
सुय छुय सोरुय गुपिथ पान ॥

★ ★ ★

२२०

येम्य थवि सथ जँमीनु नव आसमान गंगु  
तस बु मंगु सुय मे दिये ।  
सु येलि रोश्यम हंग तु मंगु  
अदु कस बु मंगु, कुस मे दिये ॥

★ ★ ★

२२१

येतीम गँछिथ गछान छु हॉरान  
येतीम मोत ज़न फेरान आसे ।  
येतीमस मोल मॉज यी सोरान  
येतीम वदल मु गँछिन काँसे ॥

★ ★ ★

२२२

यथ क्या करव रूदस तु रबे  
आसु तु पुलहोर लोब मो ।  
त्रावान छि ख्वर गछान छि रबे  
जुवस ति करार लोब मो ॥  
डोख च़लि नीरिथ यथ ज़ॉल्यु डबे  
दुबारु दुनिया लोब मो ॥ ॥

★ ★ ★

२२३

यथ दुनियहस मांछ टॉकिस माज़ ऑविथ  
बुगी कंदि ब्राँविथ मथु ।  
म्यूठ ख्याँविथ, ज्यूठ कंदॉविथ  
याम सु यार क्रॉविथ अथु ।।  
पतव निन तु मज़ार सॉविथ  
यि ख्याँविथ चॉविथ तु दॉविथ अथु ।।।

★ ★ ★

२२४

यस कान कांछ नतु छोन आसि नालू  
सु कॅह्य सिपाह जंगस अत्रे ।  
येम्य नु लूब तु तमाह गोलू  
तमि स्वकालु तस कुस पत्रे ।।  
येति आसु क्रय करनुक आलू  
स्वय शय रटनस क्रय कथ वेत्रे ।।।

★ ★ ★

२२५

रज़ि तु गज़य बुतलि म्यूनुम  
अपुज़ करान च्यूनुम मो ।  
पतव सरु मंज़ु हुब ज़न छेनिम  
ज्यथ दुनियाहस कॅह ज्यूनुम मो ।।

★ ★ ★

२२६

रातस दूहस वॅलिमा पोरुम  
ती ज़न मौरुम तिलुक्य् स्वन ।  
राथ तु दूह कनि प्यठ बोरुम  
ओसुस सास तु सपनुस स्वन ।।

★ ★ ★

२२७

रिज़िक छुय ब्रॉठ तु मोत छुय पतु  
दुनिया छु शहरुक अतयगथ ।  
स्वरुन बुगी तु गारुस वतु  
बोज़खय छय रोज़ान नेक बद कथ ॥

★ ★ ★

२२८

रूद म्यूठ फलस तु जटस  
मुठ म्यूठ छिरु कटस आसे ।  
रस म्यूठ बुडस सस म्यूठ बटस  
नैदुर मीठ द्रॉलिद कटस आसे ॥

★ ★ ★

२२९

रूदुम नख ज़ु वॅटिथ फेक्य ज़ु वहाँरिथ  
व्वदुर ह्योकुमस नु बॅरिथ कथ ।  
च़जास दूर तु ओनुनस गॉरिथ  
कूँछ नु रूदुम पॉरिथ कथ ॥  
वाल्लाह छुनमस पला तुलिथ  
बिल्लाह तनु छुस शिहलिथ कथ ॥ ॥

★ ★ ★

२३०

रेष्य् ऑस्य् पॅतिम रेषी  
तिमन प्यठ जंदु बंगि पन ।  
मँगिथ खारहन वुशकय कोशी  
तप चरहन पथ वनन ॥

अँजिक्क्य रेषी केलक रेषी  
यिमन माज़ ख्यनस कम ।  
खॉस्य् ज़ु थवन निशम निशी  
अँकिस ग्वगल बैयिस क्रम ॥  
न ख्वथ येलि खुदाय मशी  
रेषी हय तोह्य तु चूर कम ॥

★ ★ ★

२३१

रेष्य् हय रेष्यत पालहन  
संग गालहन क्रयि हुंदि अशि सुत्य् ।  
रेष्य् छिनु रेष्यत पालन  
पान छि गालान रुशि सुत्य् ॥

★ ★ ★

२३२

रोज़ु तु नमाज़ु तय कर  
यि देय कर दमस वोनू ।  
योद जन्नत गछी क्रय कर  
छे मेहनथ तोत किच्च थवनू ॥  
नुन्द्यन सुत्य् ख्वय कर  
व्वथ बन्दु रोय कर तु वॉबिलस कुनू

★ ★ ★

२३३

लूबस तु मुहस द्युतुथ रज़ा  
क़ूलस प्यठ च़े वुद तय हाय ।  
पांछ वक नमाज़ वॉरिथ कज़ा  
तवुक सज़ा दियी ख्वदाय ॥

★ ★ ★



२३४

लूबस तु मुहस मद अहंकारस  
क्वंगन डारस वयम नु पोन्व ।  
द्यार सूरिम सोदागारस  
छोन बाज़ारस वेंह्य बिहि वोन्व ॥  
ऑखुर चमव सॉरी मज़ारस  
नारस व्वन्व कति सारस पोन्व ॥॥

★ ★ ★

२३५

लगि नु कनि पल कुबस  
लगि नु आहनस नार ।  
लगि नु मोकुर दरगहस  
लगि नु शहस इनकार ॥

★ ★ ★

२३६

लालुच कद्र डूंगल ज़ाने  
पोश क्या ज़ाने सोथ्य पेट्च वथ ।  
शमुहुच कद्र लॅश क्या ज़ाने  
मॅछ क्या ज़ाने पोंपर्य गथ ॥

★ ★ ★

२३७

ला इल्लाह इलल्लाह सॅही कोरुम  
वॅही कोरुम पनुन पान ।  
वोजूद त्रॉविथ मूजूद म्यूलुम  
हरम्बखु वुछुम पनुन पान ॥

★ ★ ★

२३८

लिन्य् ज़ंडस युस दानु मंगे  
कछस मंगे ज़ाफल तु र्वंग ।  
आंगे मांगे दपान लंगे  
हतु होनि ख्यतु ज़ंग ॥

★ ★ ★

२३९

लवर किथु वुठक सैके  
आबु वानि रुखे पकी नु नाव ।  
ति कुस कौसिथ हमालि हेके  
यि लौन्य् डेके ल्यखनु आव ॥

★ ★ ★

२४०

वदनु वदनु अँछन गाश सोरे  
बुडनु शुक, नेरि नु ज़ात ।  
येति छे च्वपौर्य वतु नतु छु हेरे  
वदनु वदनु तस फेरि नु ज़ात ॥  
दिल साफ करतन लबुहन ज़ेरे  
नतु शालु सुँदि वुंगनु नेरी क्यात ॥ ॥

★ ★ ★

२४१

वनन पँज़ी तु वांदर आसन  
गगर ग्वफन बरन वास ।  
यिम पांचन वक्तन अकमल आसन  
निशि बौंचन आसन तिमय छि खास ॥

★ ★ ★

२४२

वय दयि मेत्रु ब्योलुय वॅव्यजे  
सगु कनि दिज्यस हटि कुय रथ ।  
यार नय डेशिहन क्या वॅर्यजे  
यार कति त्रावे यारु संज कथ ॥

★ ★ ★

२४३

व्वंदु नय गँडिजि तु कॉम कति नेरे  
वेह नय खेजि स्नेह कति फेरे ।  
योरु नय गँछ्यजि तु तोरु कोत यिजे  
लोब नय आसि तु वोन कति यिये ॥

★ ★ ★

२४४

व्वपल हाकस तर गोम दँजिथ  
सिवलि कनि ति ख्याव बँजिथ कथ ।  
जंगुल्य सुह्य ज़न वोनुनम ग्रँजिथ  
फीरिथ ति ह्योकमस नु अचिथ कथ ॥  
ओडुय हरफा गछिहेम सँजिथ  
दँज्य दँज्य द्रमुन ज़न कछ दँजिथ कथ ॥ ॥

★ ★ ★

२४५

वोद इबलीसन ट्वख लोगुम दूरस  
स्यठाह करेमस इबादथ ।  
वॅम्य् पोव दूर्यर मे तु मनसूरस  
तस तय मे ऑस कुनी कथ ॥  
तस च़ोल नीरिथ अन मनसूरस  
शाबाश करनस छय रहमथ ।

मे छुम द्यावान छ्यपु ज़न चूरस  
मरदूद म्यान्यो छय रहमथ ।।  
बु ओसुस वॉकफ तिहंदिस सीरस  
मे ऑस मोलूम हँकीकथ ।  
तँम्य येलि लोदनस, बु क्यथो लूरस  
अथ मानि ज़ानन अहले मुऑरिफथ ।।

★ ★ ★

२४६

वोनुन तु वनु निशि लंजे च़चन  
कँह्य च़ैतिथ लबख हचन फल ।  
कँद्यो माज़ुन डबन तु दँरिचन  
द्यन क्यथु बरख ज़चन तल ।।  
शेतॉन्य हारु वँत्र रचन  
कॉल्यु हिसाब ह्यनख बछन तल ।।।

★ ★ ★

२४७

शिव छुय थलि थलि रोज़ान  
मो ज़ान ह्यौद तु मुसलमान ।  
त्रुकय छुख तु पान जि़नाव  
स्वय छय साहिबस ज़ॉनी ज़ान ।।

★ ★ ★

२४८

शिव छुय ज़ॉव्युल ज़ाल वहाँरिथ  
ती छुय मरुन तिरथ कथ ।  
जि़न्दु नय मरख अदु कवु जि़ मुरिथ  
पानु मंज़ु पान कड व्यज़ॉरिथ कथ ।।

★ ★ ★

२४९

शिव मो दीवु म्खय आसे  
फल मो आसे अरखल्यन।  
सन्यन सोदरन ज्यव मो आसे  
ग्यव मो आसे वांदरन ॥

★ ★ ★

२५०

शिव शिव करान शिव मो बोजे  
ग्यव कंदि करख मननि बुजे।  
ग्यव द्यू दिहस दिह दौर रोजे  
दिखनय दिहस बेयिस दिजे ॥

★ ★ ★

२५१

शुर्य पानु जन ओसुस गूर गुपनन पतु  
सूर यावुन कस कत्युक आव अतयगथ।  
सूर यावुन लोरनम हंग हागर तु  
सूर यावुन युन गछी जन अतयगथ ॥

★ ★ ★

२५२

शे वन चितनिथ शशकल वुज्यम  
किंथ हुजुम पवनु सुत्यु।  
अँशकुनि नारु वालिंज बुजुम  
छुम अँशक माशोक ह्यमन सुत्यु ॥

★ ★ ★

२५३

शे वन चॅटिथ शेशि कल वुजुम  
क्रिंथ हौजुम पवनु सुत्यु।  
लोलुकि नारु वॉलिंज बुजुम  
शंकर लोबुम तमी सुत्यु॥

★ ★ ★

२५४

शदाद तु फिरोअून लॉगिथ रुदी  
अपुजु द्युतुख दरवेश नाव।  
यिम सोरुय त्रॉविथ तस पथ मूदी  
तिम छी दारदुक स्वन नारु द्राव॥

★ ★ ★

२५५

शिलस ब्वय छय कोस्तूर तु बबरे  
दिलु योद गारख कांछी साम।  
वुछुन इबलीस छ्वख दिस तबरे  
गछी नीरिथ म्वखु शुत नाम॥  
दोर योद रोज़ख फरज़स तु खबरे  
अदु हिसाब आसी नु कयामुच ताम॥॥

★ ★ ★

२५६

श्रावन सूर तु कोस्तूर कल्यव  
रंगु बुलबुलस गॅयम गलि ज्यव।  
यावुन सूर कुनि सुत्यु नु बल्यव  
अदु वयस नु कंद नाबद तु ग्यव॥

★ ★ ★

२५७

साह्यब ड्युंतुम क्रालु गरे  
स्यख तु म्येन्न मिलुनॉविथ कथ ।  
पानु करान अँकिस गरे  
लोरि सुत्त्यु गिलुनॉविथ कथ ।।  
दुकान द्युतुन क्रालु गरे  
बानु कुनन म्वलुनॉविथ कथ ।।।

★ ★ ★

२५८

सॉन्यु शुरुय छि नन्यन वुरान  
यँडनुय छि रटान च्चाख पन ।  
तुहुँघ शुरुय छि सुतन मुहान  
गँछिथ तु दवान नारसन ।।

★ ★ ★

२५९

सिरस कॅर्युजि नु वाश वाशे ।  
नतु कडनय पाशे नाव ।।  
गरीबस गछान दूह नाशे ।  
पॅपिथ थवान छिस राशे नाव ।।  
जागनस तु लगनस वालय वाशे ।  
कृत्यन तिहँदि सुत्त्यु गाशे आव ।।  
छु कॅलिमुक ताज तु अँलिमुक आशे ।  
सु कस लागि अदु आशे नाव ।।  
येम्यु कोर तस पथ दूह नाशे ।  
तँम्यु तस लोगुय आशे नाव ।।

★ ★ ★

२६०

सु मे निशे, बु तस निशे  
मे तस निशे करार आव ।  
नाहकय छोंडुम मे परदीशे  
पनुने दीशे मे यार आव ।।

★ ★ ★

२६१

सुबहुकि वक्तु फरिस्तु वसन  
गेशन क्वसु छवु आसन शय ।  
जल यिम चावन तु मल यिम कासन  
तिमन येति खोतु तँत्य आसन शय ।।

★ ★ ★

२६२

सुबह वक्तन फरिस्तु वसन  
आदम दमन रँछतव शय ।  
जल यिम छावन मल यिम कासन  
तिमन येति ख्वतु तँत्य योत आसन शय ।।

★ ★ ★

२६३

सुय च्चालि न्यंदु येम्य वोव ब्योलू  
छाँडिथ कड्यस हामु कॉन्य ।  
सौतु येम्य वोव हरदु तँम्य तोलू  
सुय च्चाव जनतस लॉगिथ वॉन्य ।।

★ ★ ★



२६४

सुह ऑस्यज़ि तु शाल ज़न पॅक्यज़े  
शरहुक सोथ चॅटिज़ि नु ज़ाथ ।  
छांठ नय ज़ॉन्यज़ि बठि तलु पॅक्यज़े  
व्यदस ति रोज़ि खॅट्यज़ि नु ज़ाथ ॥

★ ★ ★

२६५

सु छुम नु ज़ि सोदा करु  
बाज़र लोबुम नु कुनन ।  
वाँजि कोरनम ज़ॉल्य् पंजरु  
खंजर दिथ गोम मारनन ॥  
ब्यब बॅरनम बुसरि नारु  
कस नु पोशुम वनुन ।  
हन हन गॅजिम सुसरि नारु  
दिलस कोरनम पर्युन ॥

★ ★ ★

२६६

सुह ऑसिथ शाल ज़न नॅट्यज़े  
गरीब नय लॉग्यज़ि तु वॅन्यज़ि नु ज़ांह ।  
च़ॉनिथ नय नखु पॅट तल पॅक्यज़े  
शरहुक सोथ मालि च़ॅट्यज़ि नु ज़ांह ॥

★ ★ ★

२६७

सेकि शाठस फल वशख  
वुशख च़मरुव्यन थाजन तील ।  
मोदुर सोत वारु ब्रशख  
छुनुथ ज़न कोम याजन तील ॥

★ ★ ★

२६८

संजुय छुम मोल तु संजुय मॉजी  
तवय रूदुस संजुय हाव ।  
ड्यकु लीखिथ करमु प्योर पेयाम शोदुय  
तते बु नुंद तु येति द्राम नाव ।।

★ ★ ★

२६९

सखावत करख तवु दिनय ख्यनय  
नमाज़ि हुंद छुय पनुनुय न्याय ।  
तति येलि हनु हनु हिसाब ह्यनय  
अदु कथ लगनय फिकिर तु दाय ।।

★ ★ ★

२७०

सब्र योद करख सुय बोवि चोनू  
यि लानि आसी ति अथि यियी ।  
चु योद करख म्योन तु म्योनू  
अदु द्युतुमुत अथु च्चे हैयी ।

★ ★ ★

२७१

सुबह वक्तन फरिश्तु वसन  
आदमन दपन रँछतव शय ।  
ज़ल यिम छावन मल यिम कासन  
तिमन येति खोतु तँत्यु योत आसन शय ।।

★ ★ ★

२७२

सर्फस चॅल्यजे अस्तस खंडस  
सुहस चॅल्यजे कुहस ताम।  
दीनदारस चॅल्यजे वहरस खंडस  
लॉनिस चॅल्यजे नु अछमुहस ताम।।

★ ★ ★

२७३

स्यद यिम च्यथ थवन पर-व्वपकारस  
नारस सलर दूहय छुनन तु।  
सिव यिम करन जगन रोजगारस  
तिम समसारस ज्यन तु।।

★ ★ ★

२७४

स्वंदरि कामु दिवुन चाव गोम  
यावुन याम गोम पोशन मोतू।  
संगरुक शीन तु व्वलरुक वाव गोम  
मुहिथ ठग गोम अकु होतू।।  
वुलगि बतस कनु तु तोह गोम  
गरीबस दूह गोम वॅरियस योतू।।।

★ ★ ★

२७५

स्वनस तु सरतलि अकुय जलुन  
ति डीशिथ जुव म्योन कलुन ह्योत।  
ड्युंठुम नुंघन ल्युथ तु डुठ्यन फवलुन  
तवय अंदवन मे चलुन ह्योत।।

★ ★ ★

२७६

स्नाना वैर्यजि युथ नु कूँछ डेशी  
द्याना वैर्यजि गुपिथ पान ।  
क्रिया वैर्यजि युथ नु ज़ांह मशी  
मशी तु नशी पननुय पान ।।

★ ★ ★

२७७

समि नु बोड गुर तु टोटू  
समि नु टटुल तु नाव ।  
समि नु क्वल तु र्वपु वोटू  
समि नु राज़ु होंज़स लरि काव ।।

★ ★ ★

२७८

सहज़ ग्यान यवु सूत्य् उलंगी  
लोलुकि खम्बय रंगी ज़ाथ ।  
असि मन मिलोविथ तन साद डंगी  
यछे पछे मंगी बाथ ।।  
दुय योद च़ल्यस कास्यस बँगी  
तस कुस अदु रंगी ज़ाथ ।।।

★ ★ ★

२७९

साह्यब द्वहु अकि दोरा फिरे  
यथ समसारस करि लुर पार ।  
द्वन आसमानन ब्यन मा दरे  
सतन तुलि येति दफतरवार ।।  
गौरस तु ज़ेरिस हॉज़िरे  
दियि नुंघन जनथ तु डुठ्यन नार ।।।

★ ★ ★

२८०

संगर लूस्तिस् कांगुर छेवुम  
गजन प्योवुम लदस क्योत्त्य् ।  
फल डेर त्रॉविथ मल डेर व्योवुम  
कल ब्बद खेयिनम द्यन क्या रॉत्त्य् ॥  
स्वन र्वफ त्रॉविथ सरतलि र्योवुम  
करतल फुटरिथ गर्यमस द्रॉत्त्य् ।  
सोतु यि वोवुम, हरदु ती लूनुम  
लूनिथ लोगुम पानस सॉत्त्य् ।  
द्वह लोग दुरु तु दांबरि प्योवुम  
ओगुन छ्योवुम बानु नु वॉत्त्य् ॥

★ ★ ★

२८१

सु गुल क्या मंगि गुलस तु गुलिस्तानस  
यस टॉठिस जानस छांगुर गॅय ।  
सु क्या मंगि आफताबु किस नूरानस  
यस अंद मॉदानस नैदुर पेय ॥

★ ★ ★

२८२

स्रोगुय ओनुम द्रोगुय कुनुम  
नुनु बार लोयुम सरु ।  
मोदरि ज़बॉन्य बेयन निंम  
पानस वुनुम तु राह कस करु ॥

★ ★ ★

२८३

हा हय हांग नार ज़न वुज़न  
गुंबद वज़न दुन्य् दुन्य् कथ ।  
स्वज़न इशारतय बोज़न  
क्वज़न बोज़न नु दमामु गथ ॥

★ ★ ★

२८४

हे बटो, वेंत्रे बटो  
पतु ब्रोंठ छय वाटुवाठ ।  
सिव कस करान छुख वेंत्रे बटो  
मनस तु पवनस कर संग्गाठ ॥

★ ★ ★

२८५

हूनिस वासरि प्यठ सूर लारे  
ब्रॉरिस गजि अंदर स्वख ।  
रयोशा वनन खुदाय गारे  
रेंचि छु द्वुखुय स्वख ॥

★ ★ ★

२८६

हुहय तुरि तु हुहय तते  
हंजे कर्यस ल्वय तय ग्वय ।  
आशक छि निसार तिहिंज़ि वते  
येति बोम्बरस तु पोशस आसी ख्वय ॥  
ती यस व्यद सनि सुय अदु मते  
तस अदु गछी द्वुयि अकोय ॥॥

★ ★ ★

२८७

हे बंदु मोत छुख लूबस तु मुहस  
सुत छुख लॉगिथ वॉनी ।  
नफस छुय फिरवान द्वहस  
पॅट छय गँडमुन्न लॉनी ।।  
थपु छुय द्यावान ग्वहस  
अक्लि हुंज लॅबुय नु दॉनी ।  
फख छुय यिवान क्रुहस  
मसु छय बॅरिथ मॉनी ।।  
हून छुय गोमुत खुहस  
पाक क्यथु सपदि पॉनी ।  
गुमुत छुख मिलवान फुहस  
ख्यनस पज़ी नु दॉनी ।।  
ब्रोर छुख अथि व्वन्य सुहस  
कथा बोज़तो म्यॉनी ।।

★ ★ ★

२८८

हेतिस ह्यतु कार वॅर्यजे  
अन-हेतिस रॉवर्यज़ि र्यथ पछ ।  
युस युथ करी तस त्युथ वॅर्यजे  
आन लयि नु पांछ तु लयि लछ ।।

★ ★ ★ ★ ★ ★ ★

